



序

吾季子詩好漢魏文好周秦諸子及其成也詩類韓
退之文則近柳子厚季於韓柳未嘗學之母乃其天
質有獨近耶曾止山過日集言當今布衣詩和公爲
第一予亦謂其沈鬱之中發爲孤響矯顧騰騫極意
琬琢而樸氣不漓比於退之未知孰勝子厚少好文
選所爲山水記造語之奇多從漢賦出諸大篇卽如
封建論層瀾叠嶂峭曲衍邃亦山水諸記展拓而成

予嘗不欲季以柳州自畫然此亦極其所至云云耳
子厚駁復讐議寄許京兆與退之論史官等作大爲
難工然則季文不及柳州而十餘年牽於事無暇讀
書作文過此以往則吾又不得而知也季詩文伯定
者十一他友十二餘多予所校季少余五歲入小學
時父母以爲遲鈍嘗命督課之故視予猶嚴師然少
暇輒與戲使爲官南面據上座身雜諸童奴爲輿皂
刳立趨走跪拜而季或虐使諸僮辭色不中度輒從

上座提其耳摔地下跪或與杖十數季伏首涕淚交
兩頤終不敢出聲聞父母年十八九學漸成爲人乃
沈毅剛苦勇於義槩雖水火白刃不易其一言蹇蹇
諤諤尊親之前無所回其是非予乃釋向者束急之
教而更以季爲畏友易堂諸子年長以倍其蚤譽於
天下及季之始生者季特起與爲雁行交而足跡漸
遍南北南北賢豪士皆相與結友惟恐後季性卞須
張如鉤子人觸其須則怒發不可忍前年歸自華山

予夜與飲酒讀所爲西行詩百一十首引手捋其須
曰猶記皂隸提耳而扶其股乎今遂能如是相與大
笑爲樂予獨悲夫吾父母之不及見季之成也辛亥
二月叔兄禧書於揚子舟中

南海西秦詩序

魏季子和公居翠微百丈之峰有兄弟友朋文章之
樂恒鬱鬱不得志氣奮發無所舒則身之海南更渡
瓊舟中海風大作迷失道同舟人憂恐涕泣和公則
乘月觀海作渡海詩旣至值兵變殺人狼藉禍洶洶
且不測則闔戶更爲海南道中詩三十首歸言陳元
孝北田諸子之賢至今未已也已更築吾廬雜植花
竹果樹寒暑愛翫若終老是中者一日同予冠石卽
席論議則又之西秦從皖陸行經鳳滁道中州暑雨

日作赤身渡伊水幾漂溺白潼關入省丘邦士於韓
城往觀龍門砥柱激水殊未盡意直登華山一日上
四十里窮其巔每峰回路斷微徑相屬翕闢生趣叫
嘆奇絕荊州彭荆山居華山絕險處和公手鐵索造
焉爲設食勞苦深語竟日結知己別去中州悅梁以
道許宏羽李含章遲軒公劉湖水漫不能待潁州僧
舍友張調萬途遇定興鹿太常孫密觀並騎交語道
蘇門孫鍾元年八十六隱居授徒嘗千人及保定彭
餓夫死嘯臺事歡喜感激誤觸道旁棗墮驢足絀鏡

驢驚逸碎首血出傷數處裂衣裹傷復行獨恨未及
見富平二李生已給乘訪李中悅病大作裁書俾粵
葛寄之李天生遠出客陳祺公所西行五閱月共得
詩近體五言百首登華山及東歸雜詠若干首錢虞
山嘗盛推徐霞客善遊徧五嶽窮歷幽險西蜀登峩
眉紆回異域探崑崙河源著書盈抱嘗惡虞山難省
漳浦黃先生於闕黃先生亦向予亟稱其人然竟死
終不得草莽一二奇士徒周旋名公卿間何足道謝
靈運躑躅奇勝每從數百人伐山開道然皆發憤所

爲使宋文帝肯柄用登之宰輔奇與頓盡而秦帝韓
亡之詩可無復作种放爲母焚筆視入東明峰轉徙
窮僻母亡驟貴被隆遇晚更飾輿服家人斥田產手
摑郡判視爲樵夫拜希夷庭下時辱華山甚季子以
一貧儒生恒舉債游涉萬里蟬蛻死生視海嶽如庭
戶敝車羸馬笑哭賦詩有爲無爲樂天憂人交有之
令復有一季子覽其詩以論世知其人堅栗浩蕩性
則有然不可得而馴矣易堂友兄彭士堅謨

魏季子文集總目

卷一

雜言四言古詩

卷二

五言古詩

卷三

七言古詩

卷四

五言律詩

卷五

七言律詩

卷六

五言七言絕詩

卷七

序引

卷八

書

卷九

尺牘

卷十

論

卷十一

書後跋

卷十二

記

卷十三

說

卷十四

誌表

卷十五

傳紀

卷十六

雜著

魏季子文集卷一目

雜言四言

衣已做三章

製新衣三章

緘口詩七章

送胡心仲

送曾子下貢水

祀樵樓辭

為蕭孟助壽

鬪人四章

羅人二章

上灘謠十章

荅喻賡三

吾廬行鏡銘

題鮑子韶獨醉圖

為內子銘鏡

為女兒銘鏡箱圖

壽嶺南何母

答俞興三

吾輩亦難哉

蘇人二章

土壩論十章

蘇人二章

蘇人二章

蘇人二章

蘇人二章

蘇人二章

蘇人二章

蘇人二章

蘇人二章

雜言四首

雜言四首

魏季子文集卷之一

貧類論曰子富貴而志不寧都魏禮和公著

不非富家亦宜非貧家亦叔兄禧冰叔訂

雜言四言古詩

衣已敝

衣已敝可廢寘衣敝當廢寘是我故時襦不忍輒相

棄

衣已敝不可穿莫言衣敝不可穿裁作背子可禦寒

衣已縷不可理難與骨肉親猶當拭塵几

彭躬庵云用敝者極有深情爲衣者絕無奮氣
丘邦士云可廢而故不忍棄深長何極下二章反
淺矣然惟以二章實此下卽下二章皆無聊之極
思也總說首章末二句意不盡耳

製新衣

製新衣故衣促猶幸作貧家新衣常在笥故衣常在
肉

著新衣新衣且靡靡請看今故衣知汝零落時

不作富家衣寧作貧家裳布粟日所急不作錦與梁
貧賤能相守富貴能相忘

彭躬庵云兩能字似于人無咎譽
叔兄水叔云兩能字感慨特深

緘口詩 有序

予旣效忠告于人心藏之不可弭忘作緘口

詩

維天生民樹之綱紀父父子子兄弟弟顧茲彝常
淪喪無已何以維之所謂君子

在昔嬴政棄厥扶蘇胡亥莫位海內蠢如方一二世
宗廟其虛其虛維何蔽厥賢愚古亦有人曷不鑒諸
生而剛毅男子之體是非邪直以斷以止今茲君子
之爲謀朝而出斯暮而入斯

長幼有序自古而然兄其發毅弟其恭謙式汝後之
人靡有尤愆予之當其非亦何難哉且今茲歲暮
我之告汝亦日數矣子之踐履胡為薄矣
豈其憎予抑又說只既日從予則又輟只
梁公狄云如此人最是難救若是憎而不從猶有可望
昔人有言善善惡惡不用不去其疆賈落嗚呼郭公
非面從之難行之為艱

送胡心仲歸豫章是日初霽
我陟西巘之子東歸東歸伊何尸養之為雪白在山

寒冰在足重陰不展懷矣幽獨重陰維何厥有陽明
天道在上下民之情拔劍飲酒激昂高歌可細可豪
可龍可蛇

送曾子下貢水詩

有序

乙酉歲林子確齋僑家寧都于是予既十有七
年矣而滅裂無人狀林子出肺肝惻惻款款
翬然欲湔滌我而引之為友因私自念人生世
間正如風吹落花茵席溷廁惟其所著有人焉
拔我于污泥之中而寘之茵席之上可不謂知

已乎方是時人之視我如蠅蚋蟣蜂累千百不足數嗚呼禽獸無知往往感人恩殺身以行義而我含齒負髮號稱爲人使不克自立負知己恩顧反不出禽獸下耶詩云翹翹車乘招我以弓豈不欲往畏我友朋乙未初夏曾子將下貢水之棹予適在嚙爰書此道行深知鄙妄不自辟繫以詩曰

白日昭昭河水淫淫升彼大阜以北以南人則有心

彭躬庵日序則一片真氣詩則千曲深情梁公狄日括小宛旻弁諸什于二十字中深更深

微更微苦更苦

祀樵樓辭代

維夕維晨四時以行日作夜息爲民之經提封在督麗樵複成金之革之衆聽是正久歲日堙師虞肇興拵被穢匠來役蒸蒸梁欂旣戒茲焉告升日不敢解是釁是承茲台泄政夙夜陟庭儼其在望敢惑民聽肅將齊犧用獻忱誠雞人是若黔首以寧

丘邦士曰似崔蔡諸人彭躬庵日漢人雅頌

爲蕭孟昉壽

我欲往西那國令其獻玉枝我欲往南荒摘如何之
 實金刀剖之則飴七百年不汗三千年不折老聃偃
 佺皆得之食此實者壽與天齊叔兄云吳明之鸞峰
 倒提好碧蜜合膏黍以糗糝雪以七尺之棗三尺之梨識者
 曰微而微句而身可具斯前有西曹公之澤施
 豐其本者茂其枝後有花萼之相輝沃其
 實者其根滋仰瞻俯視樂不可支樂則久而奚取神
 仙引年之物為

圃人

圃人種蔬富人飫餘富人行行圃人瞿瞿

吁嗟圃人圃日有道迺菟瘠土迺誅蕃草手蘇糞壤
 務使勻好種之遲遲生則不衍日種于蚤溷為場泥
 日寒日暑毋反天時日維燥溼毋失土宜

蟲蟲烈日人則辟之焱焱風霾人則庇之維彼晨夜
 則安憇之維此圃人則既異之森森寒水涉而濟之

井棧齋云抽說
 二句古法錯落

圃人疚矣蔬庶茂矣圃修好矣圃人懷蔬不在手矣

羅人

離離異鳥羅人獲只涉谷凌川心力極只優優歲月
極愛翼只鳥去羅人貴者得只順羽帖翅羅人棘只
倦言顧之鳥不憚只

人亦有然我悟吾生天地不仁故使屏營鳥則有林

魚則有潭魚鳥忘機潭曲林深

躬云未澹故深

上灘謠

山石剝剝水深石惡水不深石不惡梢公咿啞支離
纜扯船上船下

風與水鬪下船在前上船在後水負于石石令水急

黃巢彈子黃巢已死

左洋洋右澎澎前立虎後立狼上麻羊下麻羊

水擠不去石樂水苦水樂船苦不聞水聲但聞人語

拽船上山石出水捉船下山人出鬼

魚梁橫橫突兀蝦精貓兒磨牙跳勢猙獰嚼蝦股弄

蝦須莫敢當食蝦王

此俱灘石名

小銀瓶大銀瓶盜跖心清有酒如澆

鷓鴣不啄魚鷓鴣不生子魚子不生鷓鴣不死

水爲箭石爲弓上灘多辛苦灘頭多大風將軍大旗

高接天馬船裝馬日十千補齋云讀至此則知前寫灘石之險皆為憫民勞而

也作

彭躬庵云齒牙佶曲端緒凌雜有說出處不說出處可解處不可解處心目冥求無不入妙

答別喻賡三

海水凌天予焉濟之觀海之身星辰下馳磊落相遭
意適為好南風北風吹一何蚤飄風相蕩值于南天
飛鳥分飛則于三年借棲以枝亦授之粒自顧凡鳥
延頸卻立藐賢作刀利以入鐵丈夫執之濯日浴月
桃花千樹石上為春泉流歸山不知漁人是許芥子

芝草可食夜月荆扉於焉嘉客

吾廬行鏡銘

毋失本來面目持以行是亦足

題鮑子韶獨醉圖

濁醪濁醪達人以達豪士以豪汝何有酒而無徒吾
欲歌其醜備其糟則汝許之乎

為內子銘鏡

惡乎明不照其身汝常聞夫驚聞汝乃使不昏

為女兒銘鏡

汝但觀乎暗銅磨且礪光矐矐

壽嶺南何母

日則在東月則在西五嶺為門海水為池池躍幾魚
門開幾人七十一年知天地恩衡也而纓絳也而組
綺堂爛熳母曰非所母曰樂只汝簞汝笠有柞曰交
依階而立維衡與絳禮則友只禮則兄之母吾母只
衡曰予居曰絳汝行叔兄云二句不但章句之變換亦兄家統于長遊必無
方母心哉寧蒼梧立圃絳曰行之爾池爾門關鎖回
有故衡曰扁之應無心

魏季子文集卷二目

五言古

偶然作六首

棘亦有

朝入

卽事

答詩二首

彭躬菴植松堂

水莊早起

貽曾止山三首

讀宋未有黃節婦傳

西門二首

河干口號

隨成十三首

別意

清明感所見二首

散步二首

答詩二首

欲暮二首

清夜二首

水莊月下

送林确齋挈家歸章水

九章

松訟二首

獨立

夜沈雨憶林舟之

寄示林舟之二首

歸去

水莊春日時曾省之在贛州

送任道爰之豫章

感遇二首

送伯兄再之湖陽

戊戌二月林确齋生日

時命四首

奉懷叔兄二首

補壽楊一水先生

送別曾省之

雨止將過水莊襍具畢又雨寫意報叔兄

戊戌十一月廿一日紀夢

送任道爰同兄子幼剛歸九江三章

李咸齋五十有一

於篋中披曾周士札子

數過七首

初伏往瑞金山曲亦有

施茶亭子感賦

修官路

別新城涂宜振下南康訪宋未有遂遊廬山歸

途卻寄

平西道上

干將篇寄贈戴無忝

奉壽伯兄四十

過曲江

送董無休還會稽

仲冬八日聞雷

偶集余生生寓限酒字

紀王電輝義死詩

將別陳元孝既作詩不

能自已又賦

將之海南過東莞留別

曾止山三首

曉發陽春道上

海南道中三十首

送賴子弦之袁州

贈任道爰三十

白水途中

再到嶺南詩

留別北田諸子九章

宿叢山草堂留別程周量四章

黃巢磯

彈子磯

進峽

出峽

經英德山水

止酒詩為梁鶴史氏作

山中早起

春江曲

夾馬營

梁烈婦述

贈涂宜振

喜雨

謝翁中菴七十又一
山中寄懷劉長馨

吳秉季同其子正名往南昌奉母骨歸葬感而

賦此 接梅詩示李元慈

彭子載冠來見 野燒二首

述夢 雜感九首

寄題小三壘泉遂為木立大師壽

送人謁孔陵 書室落成賦贈曾周士

贈大方上人 李元仲七十

雨中望峽 嶺南值任道爰生日

曹九萃過訪吳城 舟抵章貢與芝五述別

穎川篇為陳君六十 兄子世傑三十一歲賦

示 與曾遂五談聊短述

雜感六首 為哲大將軍壽

贈顧輿山明府生日 讀彭隱君傳

贈金君生日

魏季子文集卷之二

寧都魏禮和公著

叔兄禧冰叔訂

山五言古詩

8 偶然作

折臂而成醫乃知公叔賢于時獨踟躕

梁公狄云妙在不多着一

語落日立渠邊課僮瀦行潦輕流正涓涓惟有清秋

風吹我意嬋媛

丘邦士云古而深在拙處見尤在自在平淺處見可謂高絕

其二

獨立發萬端。南望何亭亭。山鳥時來歸。載飛還載鳴。

日暮倚秋風。慷慨不能平。天宇一寥濶。萬里凌孤鷹。

丘邦士云。只山鳥秋風。天宇孤鷹。便已萬端矣。如此注脚。誰人能下。

其三

山居面石壁。日月去我早。

公狄云。早字痛絕。

奄忽逝年華。自

顧何草草。人生會有處。鳥飛魚在沼。如何俯仰間。側

側滿懷抱。

彭躬庵云。渾然十九首。卻不倚前人生活。當審其命意得意處。

梁公狄云。黍離繁霜。若華更萬千言。不能盡正。不必盡。

其四

良友日離析。懷來徒自知。復有行旅客。走食章水湄。

慚我遠古人。沈吟發內思。隱隱見天末。時有鴻雁飛。

其五

樹荻不樹葭。好蜂而惡蠅。我欲規小池。栽芡不栽菱。

聞有變畫草。焚之獲予情。葵藿汝何知。乃能向日傾。

其六

輕陰衆類寂。狙狃到我門。園蔬力澆灌。攫苗絕其根。

秋風令人老。天南正氤氲。唐有孫供奉。不敢憎王孫。
彭躬庵云。唐人偶然作多曠秀清微。此獨出之以
伉渺壯澗。盡埽田舍習氣。立想不凡。

棘亦有紅花。其葉連洞房。棘亦有游枝。縱橫發青光。
葉盛遮藤蕪。藤蕪不得芳。其枝日灑汗。鉤刺與之長。
上枝芴人面。下枝傳人裳。棘亦有成實。不以墜頃筐。
亦有衆芳澤。其如質不良。我欲指其繩。我欲披其英。
我欲厲蕭斧。使之不遠揚。薶鉏及根株。無用刺人腸。

朝入 戊子作

朝入讀書堂。百步登其室。深泥陷屐齒。一雨當十日。
雨絕草木枯。懸口何以食。雲上不可行。雲下不可居。
山腰蔓荆棘。非兕既非魚。足音向空谷。戚戚恒顧予。
彭躬庵云。憂喜危疑。八面攢簇。偏成凄響。
丘邦士云。詩語殊似。何人留遺。不令詮釋。不入句格。

比近有知遊。招予以餼。餽薄言在從之。循循過其牆。

牆頭出桃李。豔素開芬芳。發意相與娛。入門神徜徉。

何人餘舊廬。忽然成荒唐。唐是亡友謝曲齋故宅

答詩 魏季子

貽我一寸牋寫以兩韻詩耽其情意好不耽句字奇

流水出我右荇帶牽我左何以使心長感子能怨我

值松復值松所值惟孤松此松有何好未受秦王封

此松更何好方春不異冬叔兄云人但知冬不異春耳語大耐人思我聞

古人言松下草不豐我欲此松下綠草能蒙茸此松

又何好根穴螿與蜂振翮長遠飛所視亦已雉山幽

立茲木忽值冥相同

叔兄冰叔云人作此詩必摹陶公聲情以合題意

如此失者為平緩淺弱得者為澹婉幽閒耳此獸

能傑然寫其意中事而辭旨含蓄處皆有骨氣稜

稜逼人

水莊早起

雲旭映平林烟水流晨熙重露草未起沾我裳與衣

天地一渾噩因知孩提時族祖石牀云奇確驅犢馴出阜

澱行斜蹊農夫氣閒暇荷鋤過田畦見此誠心樂好

情都已微

貽曾止山

庶物不萌苗安知天地春流水出桃花可以來漁人

五古

詩

蕙若隱幽谷芳香使之聞

三曾立山

明者見幾先闇者憑外歷美錦絢縵衣終不知其極
至情流為言可以開金石

擊缶非雅樂亦以見風類茹荼非美口亦以存苦味
君子重絲麻知無棄菅蒯

讀宋未有黃孝節婦傳

我有丘氏甥嫁為曾子妻三年失其雄十年心無違

悠悠襲白日胼手治生資不知人世閒已身乃為嫠
昨睹宋君傳黃婦殆過之貞德性所植執禮一無尤
夫死能立子割產祀先祠甥氏亦寡獨有姑先夫哀
所逢泰不幸身外一無為未俗輕禮義繼絕乃論財
亦欲營尺寸黽勉須後時卓哉黃節孝宋君使聲施

梁公狄云此等詩好處不在一字一句當觀其真氣包裹處
彭躬庵云同傳異情同情異地
參伍處如疎雲逗日言外動人

西門

曳履出西門將以陟翠微亦有送行者吾友及吾師

送我至流水水樹何參差涼風吹我衣白日發我思

又

迴步過僧院永然幽而靜雖以荒敗餘結構亦簡勝
遶路植小株散步周其徑斯時亦忘言直與太古近

河干口號

凌晨出東門涼風吹我心登子欲去舟望子見前林

隨成

秋風徹夜號牀頭呼促織時有山寺鐘迢遞到枕席
鐘聲使人愁漫漫夜無極

二

桓玄策劉毅萬金擲擣菹斯亦非關鍵何以得事樞
沾沾不自脫萬古老庸愚騏驥豈服箱千里在斯須
方其伏阜樞視息迴與殊

三

荆軻本俠士晟氣作燕賓當時羅將相誰能目視秦
丹姬計何如區區七首勤亦爲憤已極力窮不知身
所以博浪子來尋舊時津惜哉銅柱誤後世隕其勳

四

白傳真恬淡不獨爲詩人義之經世士以書傳右軍
陳搏執忠節而以神仙聞可笑鑑湖叟髦年稱退身
凌晨起周庭夜深兀不寐茫洋今古中觸日成疑媿
六
華歆視鉏金乃復棄不屑謂其心嗜茲管寧與之絕
取金亦何嫌棄之反謬劣當其棄金時豈不快掩竊
詎知天地心已爲吐萌蘖

七

散髮立踟躕高歌屈與宋清辭悲以深能令風露動
汨羅水滌澌千秋如可共悲君抱奇思而爲懷王用

八

靈均不可作猶聞汨羅水九辯何纍纍屈子今不死
人生無窳隆所伸在知己辟如水激石不入自悍起
月朗天漢高舉首徒徒倚

彭躬庵云得入方可
存七作一首看乃妙

九

李勣畏族滅自立滅族人幹蠱之子孫乃寘獵火焚

聚塵世大惡一言陷汝君其忠歸敬業其禍報奸臣
可歎魏元忠爲賊立功勲

彭躬庵云點醒判斷快絕古今韓魏公議撤簾日
事不成不過族耳吾不懼也公私禍福如是如是

十

苦節匈奴中有子名通國霍光決大計猶豫爲顯惑
私貽一斛珠逡巡廢執白勅敵相繫牙鋒刃無惕息
入柔弗能摧直可曰剛德

梁公狄云此我輩學人
刀鑊也莫作論史詩看

十一

吳諸樊攻巢牛臣謀射旃曰是君也死強其少安焉
燕丹遣荆卿本非謀萬全當時果堪胸安知不扞燕

十二

朱溫容其兄林甫然其子衛鞅殘賊人苦言下一士
其下逮蔡京張覺能不死嗚呼古奸人勝于今君子

十三

王鑑崔懿之諫聰死抗直可惜忠義心而供狗彘食
士若不得已寧可且緘默羞哉稱聖賢枉自竭爾力
進退失審量作忠勝作賊

別意

開歲甫二日解纜竟長行問我行淹速僑家雩陽城
日與故鄉違草木知春生故人如參商安得不忡怔
落日照河梁連枝好弟兄故人携我手言無千里程
輕舟蕩水面水流道必經日向江頭望挹我故人情
清明感所見

峩峩城東門士女何紛紜雩陽自風俗上墓無舊新
新墓哭未已舊墓酒漿陳哭聲倏已盡酒漿安足論

又

愴况不能出隱然起螺石

子友謝曲齋葬處

下有最清溪

澗螺石側僑家三百里感時絕羽翮宜樹不我憑意
中徒歷歷江干有枝路其上冬青植宛若舊山蹊行
之如可卽

散步

茂飢綠榕樹輪格蔭江滸我日來其下囂然見太古
野光開我顏清流涼肺腑差池燕子飛新楓林其左
歲時白髮驅人生且無苦

又

燕子來梁欂呢喃發好聲出門見駘蕩卉木相與榮
閑心任孤往信步無留行日日坐榕柯下臨江流清
佳景日夕來觸目非舊經抱拙鮮餘事得與山水并
時聞百鳴鳥念我羣友朋已欣故園懷銜泥何經營

答詩

三年覓樹秧七年枝反反春園何陰森樹秧猶在眼

二

場師勤種蕪結子人所食請留食子核好當園林役

欲暮

行路日將晡歸來聊偃息躑躅草間蟲鳴我牀前壁
纍纍欲一言空房生虛白還與心相期升升如絲繹

彭躬庵云
幽憂入細

又

春初家雩陽棲遲四晦朔不意遂歸來謂當殊憂樂
故樂未見招新憂已相錯遠者行未歸近者山之角
皎月竦雲端清輝滿城郭何以身所之到處成蕭索

清夜 有序

清夜自訟也永懷不寐百疚交馳若涉大川茫

無涯涘

浮鱗適江湖身辭世所知忽掛罾網末獨尾入洿池
豈量不砧俎而勤餌者施此身既有屬展轉敢自宜
人生大維結溫飽及恩私事會相適迫帖首耐汙泥
其二
東方日月明胡然忽西墮浮雲塞大空萬古昏不破
身世蕩無垠何籌福與禍春花灼燦熒秋菊澹相和
人事若好乖瞥然起兀坐

其三

九京貌且阻思之徒涕零寸心縈百慮良朋何冥冥
草蟲呼不歇酸愴入神靈俯仰視一身所遇何不平
方當莫慰藉乃聞落木聲

丘邦士云似阮公詠懷詩其言
多深長寬紆不用句字爲工

水莊月下

月明松樹梢魚躍清水漪天宇正寥廓徘徊舉首時
長林通夜色幽徑步生疑蟲聲各有會山氣靜無思
涼風肅肅來故人在天涯

送別林确齋挈家歸章水

空山啼謝豹綠草愁紛紜掩耳不能及我獨最先聞
我甫歸翠微曾子走素札札中有所言令我心忉忉
人生知己恩天地與日月日月欲常不許雲飄忽
夏雨發江波孤艇疾如駛寄語萍苕帶爲我暫遲滯
之子何所行挈家歸南湖湖上有風光山中有敞廬
老母懷舊疾吾子謫言歸相對無神情念此兩心摧
險阻生周道風波多變遷將子家室去思子復來言
我去君在山送我到山門上有悠悠雲下有滔滔津
天能竟夕雨之子行夷猶念子行路難愛子一日留

丘邦士云有創語有常語有含情語有開口語總
是至語此真躬庵所謂有聲情者然并有文字也
梁公狄云但有真精神行
迴繚繞不知何字句爲工

松訟

秋風微淅歷垂柳日零星舉世無堅物尊之松栢名
蔦蘿修且繁引蔓與爲青無何忽黃落難與細草平
其二

黃落乃其常胡然相望責蔦蘿汝何姿而乃托松栢
相彼松栢貞爲汝久淵墨立表過所操繁言來充塞
譽人不知量愛之反成賊儻與樗柳俱未必滋紛謫

獨立

皓月穿山屋影缺光有餘盈盈生遠寒山川淡以虛
中有百結心對之不能舒四顧但寂寥清風吹我裾
舉首望明月俯首視微軀

彭躬庵云和公豪崛每善幽憂似不相類要想其發抒不得處

夜沈雨坐齋中憶林舟之歸在豫章湖上不能

已懷作此寄之

湖上忽有信走伴復僦船船泊平西口歸思急于弦
我方值多艱百慮相憂煎孤燈坐沈雨摧雜不堪言

記汝初來時于今餘十年汝遂已長大居然就婚弁
汝翁如我兄事我汝最虔積歲結山棲連榮在一椽
于汝辭瑯繪一意任天全往年予辟家牽我淚而漣
溪魚媿媿行歸鳥羣呼喧秋水漲平湖氣象日萬千
知汝能有念令我意盤旋

又作二首寄示林舟之

蘭棘會叢生禾稗亦同畝君子在和光所以貴其守
輕船下急浪千里一何有不問世閒名在祛心所疚
山川日悠長夙夕念汝久何用慰茲懷嗷嗷聊苦口

爲善如耳鳴交友無携手
豫章之東湖曾有蘇雲卿
灌園織草履將尉空經營
出處非異世結志何堅貞
管魏捐其節詭隨以藉聲
權宜非易宅濡忍成附蠅
懷抱不得展傷心漢李陵
况乃持雕蟲詡詡赴時榮
鄙哉趙孟頫齷齪後世名
歸去

惆悵在一心相視不能知
躑躅情無恃向人聊致辭
聽者亦爾爾其中有深思
我行來東方寒蟲當戶嘶

強風吹面枯列星發幽輝
獨坐四壁虛深燈耐孤疑
躬云 氤氳結中懷持此何所之

彭躬庵云絕無指實刺促
纏綿漢晉人時有此境

水莊春日時曾省之在贛州

桃李花正繁春光在陰雨
念彼虔州人愁雲結羈旅
我病櫻子懷重子離索苦
寄我一幅牋殷勤爲我語
致書與親知爲我綢繆土
憶我去年時正與死爲伍
君心勞夙夜涓湯滿肺腑
今年遠作客淹忽春將去
以我能病身寂寂滋幽處
爲子強自愛不忍重愁阻

丘邦士云重子離索苦念遠係我為子強自愛以我慰遠極真到極奇處乃極真語也
送任道爰之豫章為林子迎室

豫章千里水陸道七百幾任子跣足行皚皚冰雪裡
冰雪使天寒任子挺不萎我觀任子者歎息難自己
任子曰不然君言何彼彼丈夫結心膽意氣輕生死
爰命荷擔行從容就道里任子從兄來積歲居于此
把鉏盡地力泥汗霑肌體暑雨寒風霾精心樂胼胝
嗚呼一何為而皆為林子林子何感人任子何卓爾
周旋二子間顧之生怛怩

丘邦士云善叙事叙情不減史中班馬

感遇

種李莫種休種棗莫種柞亦有青莖葉好鳥來戢翼
休高方及肩督苦枝多棘

其二

燈火光已微日月以不死棘氣保芳蘭唧蛆攻毒瘡
遂見天地心生物有如此

送伯兄再之潮陽

往年去潮陽父母儼衣裳今年去潮陽哀痛迫衷

賜往年去潮陽嚴訓何煌煌嶺外多險阻慈母淚在
睚今年去潮陽兄弟相徊徨吾兄抱真性外通中有
常一身任煩勞二弟保其康衣食軫所念故爲事遠
行感我心百結泣下何浪浪陰雨沈天地道里悠且
長愛身惜舉動于此識不忘

彭躬庵云詩必求工便屬次義有不求工而無不工者但有聲情更無文字斯其至矣

戊戌二月林确齋生日詩以贈之

叔子摯友道佼佼明間里遂得兩君來躬庵與林子
發我醯雞覆蹏然觀大海卓哉丙戌春林子立高圯

月光深欲寒山川淡如水林子曰勉之與汝爲朋友

邦士云交景遇仙絕不用筆墨描畫短草腐幽篁日月照不在終焉辭

采摘自視已糠粃古來知己恩不敢愛生死叢巉望

冠石患難各轉徙諸子安勞苦粲然衣食紀春陽鼓

草木耗息神如此希樂擲百萬懷齊非重耳林君千

載心安飽有精理高詩中乃有如此精論

丘邦士云淡烟疏羃幽素交深無所不具用意標格俱高絕

時命

西苑有佳禽羽毛亦光奇徘徊一遊子中心實好之

爲茲毛羽飾夙昔結恩私忽見鴟服羣斯禽與翻飛
矰弋厥醜類巢以青松枝相彼無鉏齧然之而勿訛
弗克具樊籠放之天海涯

其二

禽去何所集古栢或芳桐擇木誠不戾遊子夙怔忡
客曰汝何愚徒以自樊籠汝雖重糾結此心孰與同

其三

古人亦有言恩不甚輕絕胡乃予中情斷之不能決
朝披枳棘枝蘭芷夕擘結薰蕕纖必陳未嘗遺芳潔

此情終蔽壅謬不能說

其四

人生異時命辟如舟與車柔情播識田萬古滋迴紆
騰之超躍之終焉扼卷舒行將棄膠葛山水長與娛

丘邦士云切至之詩不可以聲光
色味求之○四詩無一字不堅到

梁公狄云如此詩只以時
命寄興得風人敦厚之旨

奉懷叔兄在水莊

石上正春色桃李爭欲榮叔兄遠我去乃在溪之汀
手樹五十餘枝枝皆怒生淺池照清水柳萸揚縹青

獨坐心轉幽時有好鳥聲窅窅斜陽下輕風吹小庭

梁公狄云此真三百篇人不知亦不能到○一片真兄弟之神在此中

其二

我生為體素兄弟為我神日我勺庭時相見一晨昏

不識有至友知我最能真稽古析疑義心曲靡不陳

語在忘言處含意但欣欣大兄行遠客飛花滿柴門

杜戶對莊周心友烏足論

昔人呼南華經為心友

梁公狄云二詩藹然而温油然而深彭躬庵云微處非冥心神悟弗悟

補壽楊一水先生七十有一

先生七十一學已謝文儀我曹不能諉三年載陳詩

叔兄首示我咳悉一無欺禮曰有軼事先生係累時

著雍開元日大難天飛來將卒百十騎拳手脰在徽

被以忠義事先生心甘之根括盡藏去但使書繹遺

叔兄云口語只是形容酷掠却為後段伏線

擎擎上去路咆哮立狼豺直

欲生啖人對之磔毛髭先生絕心計軒息驚扈廝形

骸視如苴氣象生皇義

此際着此等語奇甚以下正寫出寫得尤奇若以軒息意

置上作解便膚

亦有呼聖人亦有相訛訛中有汪軍官反拜

稱義兒此君洵能豪眾騎霽頑威

又于汪君間贊二句形容愈有精神

先生當此日六十有四期

忽我入壽意又忽在妙

行年七十二

百磴陟翠微校經挾日餘春花飛滿衣

伯兄云輕點入景有致有

色文章不可無此間處

在昔祝融虐經笥獨宛而著書足精理

兵火不能非輓世尊阿曲傳信成傳疑禮在通家子

拜揚不敢私乾以剛不息跪獻此一卮天地日月星

煌煌照徽懿

叔兄云頌也規也祝也各有關會此等處但當以神遇之

叔兄冰叔云叙事忽入忽在如馱馱之馬駢波驀澗不可控勒不獨在古法之錯出也

彭躬庵云奇事奇情奇理奇法忽傳忽贊忽記忽箴作者感備觀者各得

梁公狄云借一軼事寫此翁生平史遷列傳每有此法以史傳作詩章錯變生動大奇大奇

送別曾省之

午下翠微麓君從城中來君言有遠征十里到山齋

入門各神王飯糗無魚腴桃李照春山春鳥鳴啾啾

君指旁敝廬安得居為儕

伯兄云是相知之情亦是勞人之情環屋今

青葱昔我親移栽涼涼獨行路羽翼不能借倚樹見

城郭離憂滿中懷

雨止將過水莊襍具畢又雨寫意報叔兄

勺庭困桂牙辛夷葉瑟瑟荷茄出水初欄杆生深碧

衆枝密如屋新竹發佳色還山旬有餘淫雨五十日

忽晴復作雨收襟甫能畢伯兄傳義死軒輊有識力
兩書相反覆其二尤標特相與講論時思兄正欲極
不必誣君子躋頌誦忠直辟如樹童梁嘉穀豈不瘠

彭躬庵云靈秀朴老只如作家信

戊戌十一月廿一日紀夢

如有高人宅 吳崧三云不在予石泉尾予欲往尋之

知其所從來

偕行期彭子于是雨初過厭浥路泥水譔然見若人
高立向南畝魁頭榻布衫顧盼出神采忽聞客來前
自言失瞻眎指予兩俗人反步歸門裏相視驚踟躕

從之不能已草屋自潔敞右坐拳膝趾傲岸一不屑

嚙咄時隱几竹樹交青陰鳥聲肅人耳予遂立向前

先生得無鄙丈夫貴相遇慷慨見心理所抱經營心

而乃迂若是 迂字起立把我袖精神各竦峙日子慎

無歸相為五載語昔汝先子來交亦難厥始從予出

曲巷正值丘邦士兄弟白衣冠諸子遠施禮予附耳

若人此人取吾姊朴素發奇文胸中有瓌偉相與過

層林竟至一村里廣堂靜四壁丘子先已在門外聲

錯然朝光生步履二昆林廟齋進門及曾李此我良

友朋一一道名氏抗談古今人雄深無忌諱煮茗俞
山栗鐙燭照庭圮朗朗向諸公笑道初來事倜儻恣
所樂懷抱如觀海稚子呼我醒日高幾丈幾

彭躬庵云離奇瑤蕩如漆園翁太
史公合坐各寫勝廢光怪炫燭

送任道爰同兄子幼剛歸九江

獨立望羣壑山木寒葱青冉冉二任來辭我故鄉行
季任來十年小任五紀星維日先人壟安得不遠征
霜風被我面分張搖我情

道爰義多智不與波浮沈我時對幼剛使我失機心

幼剛貌亦樸慧中無不任落落執杯酒惘惘言古今
星光幽欲出此夜如江潭猗與爾二子日日有彭林

梁公狄云忽接入
彭林是史遷傳法

林子乙未夏將家歸豫章歲臘取子婦忽然來我堂
于是舊病起不寢兒女牀買船破風浪欲以死友朋
彭君晚得子出疹情旁皇不後故友期慨然行遠方
秉心卓何厚聞者但神王我知東岩士出處豈尋常

林确齋云點染描畫掩映
結構直似韓公送人佳序

李咸齋五十有一

翠微西登岡遂對三巘峰最上李子廬開門向天東
李子日出入冠履中從容君抱純粹資厥子見英風
堅木思利器冽冽新淬鋒辟如天有春又必有秋冬
賴子弦云二四時氣已備運行何有窮看君向百歲
句通首得力
如彼晬時童

于篋中披曾周士札子數過作詩貽之

生死張元伯陳思黃雀行激昂千載下厚意留肺腸
惟我在標季子言有慨懷茲道良不易中夜起徬徨

二

子有衣食兄經年如飛鳥炎燁霜雪寒遽廬視周道
綽約春園花秋月明清沼嗟汝良坐臥顧之心草草

三

史書作耳目弗學爲聾瞽成敗能幾何高視獨在予
論世得艱難是用見賢諳所以君子心增益在師古

四

人行無作業罷士古所疵陶公真高隱乃能勤東菑
麥言乞漂母畢世得調饑何如劉文叔鉅細兩不遺

五

秋蘭發深山黃華葉青青朔風鼓霜雪孤梅方自榮
錯節出利器閉凍作堅凝乃知巖苦候于物大有情

六

汝兄爲我言四十未生子鍾愛在子身相期不敢死
人生良有心念之惟自砥語汝歲能病歎息增累歛

七

我愛虞仲翔骨體不肯媚疎節好忤時南方自放棄
况復未能然徒爾矜慎伎予亦質龔人諒哉九折臂
初伏在瑞金山曲亦有施茶亭子感賦

我有消渴疾啜茶日數斛盛暑見此亭不飲神自足
額額負擔子值今猛虎酷頂汗接踵流呼吸不得續
使我坐其旁憫然生齊肅叔兄云五字奇語真語至語感此山僻
民殷勤念類族雖渴不恣飲酌取亦量腹

修官路

傳聞下公令正當六月天農夫呼其曹各就大道邊
清晨觸零露日暮無餘閒婦子走相饁新獲委于田
亦有鮮兄弟爨炊曾未然疲病事程作更乃索餐錢
路寬須七尺母使草石連若或礙五百當非笞蒲鞭

魏李詩文集 卷二
土頑力易乏得蔭不息肩我時在行路宛暘如火煎
為說汝勞苦答云禮則然

梁公狄云得古風刺之遺起結尤妙
諸子世傑云詩言曰予不我禮則然矣出于皇父
之口此于驅迫失業之時答云禮則
然出自勞民引分苦作倍足傷心

別新城涂宜振下南康訪宋未有遂遊廬山歸

途却寄

天寒水生骨遷路過君庭買舸東南下時作匡廬行
匡廬在夢想更有三四僧一僧心高妙煮水話寒燈

曾周士云五
字畫出高僧復歸宋子宅補題又
一章法信宿相與評宋君

高節士對之慚平生厥友查吳夏持義皆錚錚舉世

沈禍福誰能真好名極下氣極
目空語抗談及涂子挺身葬

忠貞不愛千金資學宮獨經營我時拜白鹿松竹鳴

荒亭崎嶇上肝水悵望黎陽城叔兄云四語妙有
神會最高之調

平西道上

上路跳山鬼人家勢迫迤下路聞兵來繼負躡荒澤

風雨暑無時老稚走昏黑長官尚撫循韞韞耀都國

犯之者有罪猛虎而傅翼官兵志剿民繫掠恣所獲

成我行路難彭中叔云成我二字
忽挽歸題章法妙甚日昃不得食秀嶺

十餘里盤轉絕人跡山形若禿鬣流潦鳴蟻亥天僻
日幽怪其氣生盜賊方喜集一村執戈當夜直言有
行寇至近在此肘腋夜半呼我起披露事行役

干將篇寄贈戴無忝

方立冶金鑪造化大鳩工鼓此陰陽炭鑄此萬物銅
銷者爲灰燼精者接鴻蒙歛彼山川華取我日月光
晝夜立猛火塊然逼倥侗鍊成雌雄劍下水屠蛟龍
肉試斷虎豹入則藏丸中惟汝至神物人力使爲雄
爪髮自可翦裸袒亡形容諒哉拘方儒難與論始終

梁公狄云精實瑰奇須此人以稱之○末路爲
大儒開堂與爲小儒下針砭學問人不可不知

奉壽伯兄四十初度

走食當長夏江上檣行楫爲我謂舟子須之三兩日
石上多好陰迤邐嘉客集于時庭旣張東方正日出
二弟拜堂上兒子階前立吾兄意悠然顧盼生光澤
懸知能不老八十如四十牲醴奉先人拜獻起休惕
長兄爲嚴師二弟資訓迪上承先人風敬作子孫式
天心厥有常永言保彞德

過曲江

讀公感遇詩百篇不知足俯視陳子昂直可地下宿
議論走阪丸爽如初出浴雄才結至思慨然見瞻矚
爾時及安史東西紛裂幅我遇艱于公溯洄望公屋
流水滿春江維舟古岸曲

南越送別董無休還會稽

天末起秋風乃到海之陲駕言辭故山惘素日已非
綠苔生牀下野鴉向人啼閉戶空愁絕忽然董子來
我本木彊人一不逢時宜至友爲我身寒山生春熙
時或斫地歌時或坐賦詩讌笑忽傷心相向涕漣而

時或有紕謬譙讓如交師違此居荒嶠恃君析我疑
故鄉洵當返客子心以悲東澗多志士榮落不因時
霜雪草知枯春陽草知肥買船歛君門來歲以爲期
仲冬八日聞雷同余生生張崑承曾止山葉鍾
磨限雨字

落宕遠行遊感慨起軒翥長陰晝似夜四壁走狐鼠
側聞瑞雷鳴電如火烈舉旱至農工畢乃復作春雨
天變果足畏吾寧甘險阻

偶集余生生寓同張崑承曾止山趙僧翰葉鍾

磨共限酒字

共集余子寓瓶分黃白酒斟酌隨所好雄談雜豎拇
漸次來紛紜正變互相取我坐頻看杯最恨無牢九
時作次公狂亦復忙手口雜歌聲斷續鶻突起長吼
曾子禹步遲登降生培塿環抱穩至地襟裾可箕帚
衆技畢相呈餘勇揮拳肘葉子走伏匿誤傷股上柳
趙子泥足歸浴斛中垂首張子留共宿一燈寒夜久
中間道余子感我缺撫手

紀王電輝義死詩

桀紂成詭詈人恥作天子歎歎王廣寧

王封廣寧伯 黑志

當千里寇騎如雲屯刀戟照流水聲到無堅城崩角

咸拜稽努力學虎俚肉啖魂為使

叔兄云 名言

君獨與天

爭鬱鬱峙土壘攻搏旬歲餘况久竭儲侍秉心堅益

閒自知當傾圮室中火既延尊卑各就禮同室十八

人誰肯恤其死白骨不留世真能愛遺體

名我來南

越遊布衣一寒士竊負倔強筆書之待良史

將別陳元孝既作詩不能自已又賦時季春四

日

春色不華石祁寒不泐金丈夫相爲死在此一寸心
見君夢寐好胡使憂難任暮春迫豔花片片隨江潭
暉日亦知晏陰諧自知陰陰晏各代續華髮遂來侵
我非羽翼鳥何以集君林

將之海南過東莞留別曾止山

客久當言歸我乃行役始問我將何行瓊海三千里
千里路非遙但隔海中水下有魚龍屋上有獨遊子

其二

未去當先別風雨下前除雖非朝共夕猶望見手書

春芳逐處生勞我舟與車隔歲予歸來君恐非山居

其三

我行真汎海漸見天無色君居又莫春猶是垂囊客
歎君寂寞懷翻似行者得我欲仰問天俯見芳草陌
艱虞非讐予爲君豐六翮

曉發陽春道上諭伯兄叔兄

露月色在曉萬物靜欲振僕夫爰告行天地生渾敦
弱輪鳴幽輶五內恣翻頓矻矻髀肉勞似乎策駑鈍
吾兄山之阿掩閨夜未盡寤寐念予情但覓廣州信

到粵不觀海昔已抱茲恨遂爾就艱難結伴取次進
風俗日以殊行者齋艇亦書生弱無武干櫓惟定分
嗟予遺碣石何由知疾疢雖曰事從天豈敢弗敬慎
三月南風醇十月北風峻欲于明三月歸船乃風順
無爲思遠人海水難通訊

海南道中

陸路單輪車乘船乘艤子縱使寄巨舟所得一掌耳
踟躕乃自安貧賤行如此

二

朝逐估客行暮望茅簷宿敗席恣蠶蟹蚊蝨果其腹
一晴塵集須一雨泥滅足

三

行足與石迸坐股與輪鬪日氣裂我項痕若涸湯湊
嗟汝將車人吾顏輒已瘦

四

日出黑雲隨占爲速有雨昨雨傷我足黑雲更如許
足傷努力行不行當誰語

五

山頭見遺宮深嗟往事誤男兒無家時一宿必丹雘
至今風雨中棖薨荒草路

六
亾錢進退難崎嶇到淪水水蛭逐人行石路如錯齒
幸有主人賢一見資行李

七
古來寨口樹千里此別友早知離心難不如歸南畝
一語再丁寧一步三回首

八
初雨隔層柯得燥亦在後中原始戰爭治平先爾遘
惟此牛角中天地氣不注

九
前行僅罔兩我身亦蛇蚶久怪來歸遲安知復長路
似聞歎息聲空山鳥啼處

十
借得他人僮常在車左右下山持車輪上山引車首
村醪解汝劬愛汝斷狂酒

十一

東望雲不同。龍龍渾白氣。指以問車子。言大海近是。但隔此一山。天地共無際。

十二 羣婦黑如鬼。列依林草三里五里。有數錢可得飽。閉目恣吞之。車人競言好。

十三 下藍十餘里。沙浮不在脚。赤脚踏白沙。趾蹈入炮烙。痛潰何足云。但無風雨作。

十四 驅車望海樓。望見放鷄山。人言海南路。與我似相關。幸及明年春。揚舟從此還。

十五 昔見電白人。謂來自鬼國。今至電白城。大海直東北。愛此荒陋區。偏多山川色。

十六 昔聞義犬死。主人重惆悵。此犬有何義。縞素成風尚。陪之號真令。費想像。

十七

童兒昔昔夢晝夜得其半我作意中想氣槩駸汗漫
山雨倏忽來停車下隴畔

百四十八

銛銛橫棘刺用以柙籬牆西漢之酷吏才足任邊防
可憐香露花當路供折傷

甘健齋云出
沒荒忽可玩

十九

匝月載起行間日及梅朵富麗甲下粵舟車湊若輻
笑予一閒身亦與此徵逐

二十

跣足踏初潮潮來岸漸波趁人循海側泥中拾奇贏
篙師指謂予船當上此坡

二十一

舟子獲四鸞雙負口在腹隻者能殺人其尾亦致毒
夜聞張公魚聲大如吹竹

二十二

四面過吳川芷芡居水中亦為商賈地閩人以資雄
燈火多夜光炊烟多晝陰

水是鹹鹵水茶是龍眼花過此出大海舍船復僦車
兩語各不識笑視返其家

二十四

雷州昔富庶城外萬家烟今我驅車來白草接青天
荒地數百里斗米卅二錢

二十五

向因守禦故將卒威所迫均之屠一城爲仁或爲賊
哀哉忠誠府使我有生色

二十六

賣莽羣賊路十人十刀鉞幸而善奔北振古無寧時
兵者是凶器斬艾未必非

二十七

英利四十里夾巷垂蘿薜赫赫日方中高茅露猶滴
看汝蔭人功荆棘與有力

躬云大眼
孔大胸次

二十八

折得香露花又見馬纓丹久雨色不變白晝香未闌
持此忽太息誰將貽故山

陳陳徐聞縣虎多于人跡紫泥黏似漿纜雨深數尺
可憐此土膏荒棄為不食

三十

人言真絕域今遂到海安昔我同舟人渡海從此還
一駕千日息何曾有艱難

彭躬庵云季子生平好奇非觀海不能發舒其胸
中之氣三十首中水陸舟車人民城郭花木蟲魚
風俗物色成敗枯榮甘苦夷險雄奇細碎陰晴寒
暑靡不畢載令讀者如身置其地目擊其情相與
驚喜歎息洗發拘礙人生
集字何可少如許文字

送別賴子弦之袁州

燒水凍知寒榮木落知秋出門具物情不在大小遊
之子篤渭陽駕言適袁州袁州衣帶水灘石戒行舟
我自海南歸經年坐窮陬怒如鷹在繚側目視旄頭
兄友先後行不暇作離憂山閣靜如水歌聲出林丘
愛子發軔始願子無淹留

贈任道爰三十

我之三十年未能遠足跡子之三十年畧已徧南北
三十有一年同子下彭澤三十有二年嶺海偕行役

三十有三年予獨居水國今我三十四爲子來冠石
子猶荷鋤人我猶坐談客梁公狄云讀之面熱石光曉日寒風
葉鳴策策環廬竹色青斗室閉奇翼如我還四年八
表在頃刻

白水途中

言水知其雨言雪知其風予手滿瘡瘍予足破籠東
春陰如溱墨擘牙行溪中嶺上野桃花其色不敢紅
飛鳥戢其巢與僕怨相從北風爭雨繳撐拒如捉龍
瘍潰血我臂白雪鋪我胸我本薄祜人事必困迺通

但令行無負卽此未爲窮

再到嶺南詩

已誓辭嶺南今復從人役六月買舟行七月到水驛
幃帷入官衙甫坐未煖席胥吏雙垂手捧卷與喉積

華堂正葱蘢

叔兄云
位置妙

騶從紛辟易梁棟錦綺張室中

輝煌色瑀鏤施下陳潤軒耀丹碧于以奉上官下民
望恩澤擊鼓何闐闐臺阜分兩翼巨鑠響郎當栢楊
纍接跡徒杖爲麟鸞十宗九大辟日日報瘦死身死
臧不貲生者追索完便可施殺磔小者十數輩大者

數十百日光慘慘然又傳飛憲檄日汝事縱容而止
科盜賊參僚方遁宴位置一日四五食繁聲促心耳

新奏迂琴瑟嬌女擎玉觴俳優雜進劇脫帽與容與

縱橫隨酒力乃驅鳩鵠民任意為敲謫呵謂此奸徒

敢不承叛逆賊叛均殊死胡為苦煎迫彼尚有妻子

尚有姻與戚律例有明條是當合併籍城中四犴狴

男女囚充塞中有輕繫人單抽輕繫作結不獨詩法

吏神情閒暇撈掠三載閉幽黑其過久已昭屢請不

蒙釋嗟汝下愚民汝慎無悽惻茲獨死一身妻孥可

清白

叔兄冰叔云格力高老○寫出傷

心之痛不必叫號哭泣而哀已極

彭躬庵云春陵行誦之慘世此殆千百過之隄隘

酷烈不如無生更將繁華歡笑反襯襍出萬事反

復心膽崩墮

留別北田諸子

黑月懸于天白日潛于地當其哉生明山河不敢閉

已別既苦戚我居非天關未別亦苦歡中有不解顏
欲取鄧林樹烹此洪水波朱纓繫天吳佐君金叵羅
花生在樹枝結子入人腹花實不知腸種莫種雌竹

我若居火中暗者嘗見我所以善用暗其明如觀火
張劭黜郅殷斯言極要妙至于王貢名叻叻蚯蚓窾
杯水不益池一滴亦增海精衛石已空夸父飲者在
明月照我頭君子居我心饑粟入我胃飛鳥歸我林
出語驚衆人不如爲聾啞不遇九方歎不如爲駑馬

宿葢山草堂留別程周暈

歛足翠微峰十年不出戶窮谷知君名久欲托情素
昔歲遊嶺南君向京華去山河氣感通茲焉適相遇
但存握手歡不歎相知暮

一爲天上雲一爲澤中泥雲端高隔絕有時入山谿
我形維槁木春知花葉滋海水發我胸哲人勞我思
所以浮瓊島必謁先賢祠

三揖丘文莊四拜海忠介我本草野人不知官爵大
懷君意氣深三至情不懈古人于朋友須若衣與帶
使我起傍徨中夜不能寐

結束向長路宛轉坐君堂君堂貯明月白壁流素光
覲面愛良晤月移夜未央我欲續此夜令如西極長

彭躬庵云全有手揮五絃目送飛鴻之意昔韓蘇
上當塗書頗自高據要是有意作異此詩正自寫

其本色耳冲容岸朴所以為妙

黃巢磯

昔巢敗兵處也

黃巢毒天下、萬里無人烟、以此蝕唐祚、五季相因緣、
過汝敗兵處、詈汝亦汝憐、猛獸結山穴、百蟲受命焉、
汝一徒手人、號召若湧川、巍巍九州資、所至無完堅、
是為作亂人、其才本于天、儻得用之宜、豈不成豪賢、
哀彼乘時子、力弱如蟲蠕、投以問逝水、我論亦徒然、

彈子磯

相傳黃巢射彈中此其跡尚存因以名磯夫巢之彈烏敢以名磯哉

叔孫名僑如春秋志彤門皆因克敵故而以命其人巢敢讐其王狗彘羞與倫如彼秦謬醜子孫避其親親者尚相避山川豈不仁彈巢天所喜殺巢眾所欣前有黃巢磯亦以敗巢聞

彭中叔云此首須合前黃巢磯讀之意旨所存始見其妙○山水董狐

進峽

深雲閉峽門牽舟破雲隙束水歸安流劃天光偏側

散石各爲巒。聚風一有力。雨立同我友。雲烟轉胸腋。
衣溼不知寒。左顧恐右失。側身聳幽怪。微細目所索。
綴苔沿異形。黃草點蒼石。當中飛來寺。丹樓鎖天極。
梁武曠爲政。而有浮屠僻。志意發妖祥。土木生羽翼。
終于臺城圍。官苔徒自食。

叔兄冰叔云視諸謝遊山
老杜夔州諸作頗兼其勝
彭躬庵云是峽中山水詩一字他移不得
有此確切無此幽異有此幽異無此深澗

出峽

風聲響春雷。人聲亂塵敵。水聲沓湍洄。知爲出峽石。

石齒來齧船。篙迸婦子力。

世傑云五字
鍊人多許

遙窺牽纜人

側身復曲脊。作勢使聲雌。欲南還却北。風催骨髓寒。
我尚安枕席。乃眇昨宿處。相距不思尺。

經英德山水

如讀諸謝詩。若披石門記。結撰造靈竇。聳落非一氣。
浮烟托顏色。晴雲相迴麗。睇石發心歎。俯水吸清冽。
錯麓費斧斯。苔魚堪目計。起仰忽獨峰。秀先矯一髻。
陰壁藤鳥窺。裝鑿草根細。升櫓延眺入。村烟吹地遞。
疊山隱叢樹。卑竹鋪江淚。怡我當溯洄。風拒船不駛。

梁公狄云與進峽詩幽
隱靈異別開一境界

止酒詩為梁鶴史氏作

有序

古英雄志士鬱鬱不得志率自放于酒俯仰天
地今古橫來無所發之悲已鶴史氏抱貞疾醫
師曰酒足為厲孫子伯方言之痛予徬徨憂怵
然則垂簾塞兌作五禽之戲以引年學神仙乎
鶴史弗許然則鶴史其不可死矣鶴史不死酒
烏可已惟不可已是以可止作止酒詩
予生不能飲心常飲百斗陶公真性情一身為酒有

觀其飲酒意乃克賦止酒鶴史邁世姿托身千古後
激亢無時無因之倒尊自蠶彼晉酒徒惛惛事濡首
誰知飲者情聊一取五柳我夜立星漢豁然東望久
民物似秋冬羽翼生兩肘莫肯作病夫淹此歲月否
發我鞘中刀碎君几上金

山中早起

同友人坐上限韻

天都雞既鳴扶桑日未照渾敦見古初策杖領微妙
山曉谷不曙初日升其曜雲霞先映發林木猶空窈
露靜草方垂澗虛鳥同噪冷風徐徐來吹我何窈窕

春江曲

春風花樹開春江草色齊遊人愛春水撥棹亂鳧鷖
遊人見春樂客子見春悲

夾馬營

荒荒小市墟寥寥廢神寺瑟瑟白楊風蕭條宋祖地

彭躬庵云起四句大有
喚醒莫只作點景看是維丁亥年生當濁亂世四

代真庸保周獨賢五季太祖膺顧命奸普誤其事陳
橋不獲已迫仄取神器異哉太后言吾兒有大志劉
濬弒禪主萬世為罵詈胡為忠厚君興亡一相似

劉裕

丁亥生庚申即位國號宋以丙子亡趙太祖亦丁
亥生庚申即位國號宋以丙子失江南至于亡

梁烈婦述

明之商丘令姓梁名以樟厥有張夫人身與城存亡
承平三百載士不習戎兵邊徼時小醜中原無陸梁

叔兄云起得有力備
大原委真史筆也孰得知天心白日起欖槍其時

逆賊勢蔽天飛蠹蝗鼓輦動地來聞者但沸羹妙強

者擁兵顧弱者胥淪喪官將兼女婦有如奔影麀妙

督撫事招撫守令工迎降今日此吾冢誓以報我皇

夫人目佩刀曾周士云以下公與夫
人錯綜敘情事如列繡奮衣起低昂賊

衆百萬來攻城非一方隨機施拒塞蚤夜偕阿兄公

仲木名以柎悉夫人指居樓我尸此乎藏乃命僕楊

材積薪環其旁慎勿遲我死公胃而登隍叔兄云何

以為軍賞夫人傾橐裝何以市牛酒夫人竭資糧乃

得命死士縋城下女牆鉤戟曳賊板賊被多殺傷五

日攻益急螳傳不可當人馬遶堞走天日蕩無光力

戰力不支公仆被三創夫人得聞之著我白衣裳驅

媵妾登樓繫纆于樓梁乃命速舉火僕泣火不揚夫

人厲聲叱主命汝豈忘其時火四發烈焰貫穹蒼雷

電為之下飛鳥為之翔殺氣為之摧草木為之黃從

死卅餘人至今骨不僵泄政未三月乃罹此鞠殃商

丘感節烈相與立祠堂春秋祀不絕民性何其良此

着此五字閒語非有本為此傳者誰有容維南昌南

領有力量不敢下筆王于一作魏生依作述感節念土疆五字尤大此是

烈婦傳今之商丘地即古之睢陽着眼着心不同

林確齋云生氣淋漓體要嚴贈涂宜振

飭是張中丞傳書後好手

已亥到新城得交涂季子庚癸重來遊不過六日爾

五古

正晝登天峰，烟雨留蕭寺。雖慕涂君賢，踈跡因貧士。
心愛王仲回，交友重如此。辛春予兄友，與君爲兄弟。
比之易堂人，示君好文字。予性本愚戇，不復曉世事。
立身苟齷齪，名士直奴視。交友貴得真，餘者爲蜂蟻。
辟如搏飛埃，饑飽安足恃。今春值君來，石上正桃李。
花月作主賓，冰雪見朋友。時宜振在翠微，屢值冰雪。愛君謝營爲，
無懷葛天氏。乃悔向者情，兄友先之矣。君行崇明德，
定交自此始。

喜雨

秋雨連三日，秋陰已旬五。我蔬亦旣長，我樹亦已溍。
我泉流涓涓，秋花開可數。人情故喜晴，秋雨好如許。

謝翁中庵七十又一

我于十年前，壽君詩一首。時當六十一，五十如未有。
上數先生年，我尊同丁酉。雖忝作王郎，寧敢稱阿舅。
浪遊忽十載，今復逢君壽。赭顏白雪髯，春日明花柳。
貌恭心益閒，風采竟如舊。自此四作詩，我亦七十九。

山中寄懷劉長馨

秋陰極天涯，京華在何處。不見所思人，但見雲中樹。

卷二
樹色連青山，堂下生秋蘭。山深人不見，香自到人間。
人間重離別，誰復愛秋月。秋月似君心，照我如冰雪。
冰雪此山中，倚檻接秋空。君自坐春華，我自坐秋風。
風吹鴻雁初，前日見君書。若問山中人，新白數莖須。
吳秉季同其子正名，往南昌奉母骨歸葬，感而賦此。

鼇日起夜中，章江驚日出。北風吹舊魂，廿年只倉猝。
不得爲忠臣，妻子全陷沒。體肉供人糧，堂房成衢術。
延陵有獨子，母于此時卒。今來奉遺骸，南歸妥幽室。

披榛旣無事，漬血亦不必。父子儼相從，趨此江流疾。
我秋到章門，登城望白日。蘆荻鳴秋江，有如萬馬突。
可憐城外土，盡是江人骨。

接梅詩示李元慈，時從學勺庭將歸。

盆中有玉李，接此梅樹枝。朱夏日烜赫，變合乃可施。
霜刃薄于水，兩枝各半披。夾以青竹片，束以白苧絲。
晝夜澹三七，皮液互相滋。膠固不可脫，上下始斫之。
是冬便著花，綠萼芳葳蕤。本以春陽質，而爲雪霜姿。
始識矯制功，生成竟如斯。相彼李樹根，萌芽苗無時。

儻不勤摘絕李盛梅仍萎草木貴學問小子其視茲

彭躬庵云接花工候一一譜出入微處便是學問
純密境地相彼四句尤深警策此詩不必為漢晉
三唐却不能目之為宋
吾取以况風之葉竹

彭子載冠來見詩以勗之

戊申臘月朔積陰日始出汝翁于是生汝冠亦此日
山木發曉光父命來我室喜汝儼成人切雲何翠嶺
汝幼有英資期汝事非一今遂十七年日月誠駛疾
前日冰雪威草木自得失元氣入根荄斂華而就實
韓子牆屋言糞除汝初質

野燒

春山草欲青野火燭天明殺草以助穀其事殊不平

劉長馨云通首
關振在此二句爆聲震我耳昏烟到我庭大者日不

落小者動繁星或如漢宰相張炬列火城爰及鳥獸
蟲倉卒失其生又如誅盜賊衛民必用兵但惜蘭鳥
喙死與眾草并

二

田肥禾本豐

長云田肥二字
接野燒法妙

農夫恃為利屢年得豐

登農夫賣田器擔穀換勛鹽一工七兩二未暇計索

通子貸如贈施工賈藝不行富者亦疲敝桓宣大有
年始信真災異

述夢

昨夜旅店眠夢見李貞惠

李咸齋卒易堂諸子跡
其行私謚貞惠先生親

善若平生神情卻闇晦私疑予多愆致此好友恚久
坐語始發較昔特滂流示我所作詩疵盡乃為貴信
步出前除日光隔花卉白雲束山腰遙峰入天翠抱
樂返半廬茶鐺濤正沸更出退之文評點饒細碎左
顧指萱孫予為汝心痲斂眉憂豐年涕泗忽橫潰驚

予夜中呼凄風吹我背君足稱處士蓋棺保無媿慚
予赤日走何以通夢寐

雜感

橋邊有白鳥見我忽飛去我本無機心汝驚亦何故
鳥言如汝言我久在鼎鑊

又

欲啄叛人肉以飼秦吉了吉了掉尾去寧飢不濁飽
哀尔臭難遺身名委腐草

叔兄云章法
在存無之間

又

螻蚘食其尾。甘口不知極。飢來驅汝然。身死良足惜。誰救中山狼。信可與狼食。

又

鱉魚畏隙光。反不畏烈日。物理誠難知。禍每生所忽。人莫躡于山。而乃躡于垤。

又

鴻夫妻百舌。巧拙自相悅。諸子世傑云。巧妻悅拙夫之樣。可以任其所為。拙夫悅巧妻之才。可以補其不足。相悅句最妙。令汝骨肉垂。家門日消歇。鳩常

勿聽之。百舌化為拙。

又

人飢飲河水。馬飢食槲棘。雖則大苦。飢還當忍待。食槲棘刺胃腸。河泥填胸臆。

又

搥韁酸我手。提銜痛馬口。下馬慰馬心。牽馬衝塵走。我乏須騎馬。知馬行路久。

又

鴟梟本惡聲。不祥在不孝。彼既具隴胡。何緣無鳴叫。

可憐反哺鴉鳴爲不祥兆

又

一指能鄣天。其實鄣汝目。以指語旁人。天如指不足。心只方寸耳。天地可反覆。

寄題小三疊泉遂爲木立大師壽

我若爲山水。定爲三疊泉。奇士許一至。庸夫不敢前。

誰能闢此路

三疊泉澗路自木公開

歆亥人倒懸。弱草持爲杖。

代足常以肩。仰視日籠葱。珠璣游雲烟。路斷接樹根。激流下潺湲。疑有蛟龍起。復聞魑魍喧。岩腹穿細英。

古苔綴連錢。歎爲匡廬絕。幽險意相宣。八里通玉川。江湖忽到天。眼望漢陽樹。心憶京口船。十載維巴酉。三疊開青原。好山私于師。機巧發自然。惟師有動靜。抱真以永年。

送人謁孔陵

僧知拜祖庭。儒不拜孔陵。僧不拜孔子。儒乃肯拜僧。滔滔宇宙間。最喜君此行。揚於大江湄。曉月開遠程。黃鸝樹干嚙。草水同一青。想君過淮浦。鞍馬續東征。戴星馳往路。風沙撲面迎。彼僧尋佛地。重趼自擔簦。

李元仲文集 卷二
三五
三步下一拜，萬里隻身輕。聖道無貴是，亦徵志所憑。
鬱鬱楷樹林，好鳥相和鳴。我昔阻闕里，方饑人作羹。
曾聞絕佛舍，勾刺不敢萌。羨君親至止，一一見分明。

書室落成賦贈曾周士

春光發寒石，春花高下枝。萬物相鼓動，句萌達不遲。
爲子築書室，延爲孺子師。曲木無直影，幌人有練絲。
斗室聊俯仰，閒情足委蛇。東窗頗軒豁，平野交遠菑。
江流見清濁，陰晴相霏微。西窗櫻桃花，修竹綠猗猗。
羣芳羅周遭，春鳥鳴且飛。日月先顧子，照臨如有私。

我眠消白日，呼起看朝曦。

贈大方上人

我自鼎革後，常與釋氏遊。非爲悅其道，悅其輕王侯。
就中忠孝事，恒見在比丘。魂魄有餘毅，秉心一無求。
顧我衣書儒，撫膺實可羞。今值方公至，我亦有冥投。
松門日來往，菴竹風修修。愛君抱真樸，于人懷隱憂。
行年雖七十，其志未能休。

李元仲七十

前年遊西嶽，窮日一造極。鐵磴凌空飛，石腳到天直。

躬云十字可括肩手助足行斷徑生翕闢倘况自叫
 華嶽移動不得
 奇一步一悚息將及最上峰數里松檜栢鳥蟲襍襲
 鳴幽邃境已易乃登仰天池日月垂肩側星從腳下
 生河自地中坼晉豫與全秦點點見微黑曠蕩感古
 今奇懷憤區域中有避趙崖陳搏昔所匿搏本忠孝
 人神仙其托跡五季洵易捐難食趙宋食不然如錢
 鏗八百有何益妙在仍請兩仙人來作壽客卻發出如此識議九年前見君
 義聲重感激生君七十年頗饒天地力不為奚相羸
 留璜待西伯西嶽持壽君與君永無斃

雨中望峽

天地發深奧起伏有神工將至一里許江勢自不同
 左折眺峽門雙劍立雲中

孔正叔先生曰只六句三十字爾寫峽勢峽情峽形俱盡筆力如許

嶺南值任道爰生日

大地生我身萬古無二焉我慚一日長予先道爰一日生日粥

粥卅餘年去年當此日與子匡廬旋慷慨出里門寂

寞歸山園時已亥今又在南越聽雨如啼鶉子志能卓

犖一庭皆豪賢所望名汝器乃貴在瑚璉客中正垂

索聊此當杯棬

曹九萃過訪吳城賦贈

鄱湖新水漲其勢浮川嶽芳洲草沒青風帆走屋角
我時坐扁舟跳蕩如魚躍飛沫溼須眉轉側屢前卻
西北有曹君久聞重然諾嗜義心不疲受給志仍樂
昔曾謬好我尺素遠相托百里滿雲烟一望何綿邈
翻然今惠來不畏風波惡君匪諛詭人專誠生智畧
短狐號射工慎矣違鱗繳

舟抵章貢與芝五述別

高秋八九月秋色何清真白玉爲君堂欄杆鏤鎖文
圖書列成行一一皆精新簾籠青翠樹墀蘚斑駁紋
命我村奚奴襍我做衾裯眠我湘竹牀爲我更夕殮
我之好友止厥維何陶陳絡繹各賓客皆屬詩書人
月上散花雪未到先氤氲手擘蕉子香歎息荔枝辰
海風鼓洪波陳何東南奔我爲乘風葉倘恍忽逢君
喜就同舟約竟夕托清言山川識人面奄忽章水濱
君前執我手惆悵期明春相將度高秋薜蘿待君捫

山中穎川篇爲陳君六十

山中春日長，花下披前史。煨煨史冊中，穎川多佳士。
顧彼諸傳人，其壽薄萬紀。俊傑獨有懷，論世各殊旨。
仲弓崇令德，饒奴稱孝友。岳均能撰述，直諫推玄禮。
循良君賓郭，道學經如晦。舜申童能文，競芳亦表里。
襄最能薦賢，子昂文有體。暄洵是醜彘，拔筆何足齒。
如元敬與貺，所得亦糠粃。丈夫貴有爲，完亦開田氏。
康伯能拒敵，利貞敗朱泚。孟公成小豪，子公頗雄峙。
繼周欲扶衰，天日志可矢。琳檄能言操，容節世難比。
惜有爲嬴秦，倉也逐得雉。美哉圖南言，修煉無出此。

春光正駘蕩，萬物復資始。美君六十身，飽歷風雲起。

作宦與爲賓，皆得觀海水。

陳君作宦潮州爲賓福州

波濤幻日月

三壺亦伊邇，君自有千秋。何煩數甲子。

叔兄云叙次不厭故有格力耳用一二語點綴自見風采

兄子世傑三十一歲賦示

春花爛熳飛，三月重三日。汝生當旃蒙，于今三十一。
恭承祖父風，生汝非惡質。論文亦知義，立志亦就實。
近曉度外事，逞逞形紙筆。我素喜此懷，佳器歎謝密。
憶我汝之年，颶風吹突兀。扁舟破浪遊，涕笑多彷彿。

還登匡廬峯，放眼看日出。自此只十載，海宇經六七。
回視昔方壯，老大頗自失。古人惜寸陰，勉哉爲繼述。
與魯遂五談，聊短述。

古之跖跖士，原不諧世俗。王猛捫蝨談，齊賢食盜肉。
辟如大江川，隨流無不畜。漉漫或愆時，灌溉爲民福。
要必藏魚龍，波瀾起平陸。彼之虛僑者，標本一無屬。
辟如病蠱人，皤然實空腹。草堂坐沈雨，卉木淒以綠。
仲夏對榴火，肌體寒生粟。慨然感天時，與君倍欵曲。

雜感

莫怪鼠雀貪，不過營一飽。如何斯世人，身欲備百好。
百好旣已備，營營以終老。

又

飲者行使酒，貴者行使勢。何此發酒狂，纔有釀酒意。
見耶見彈人，誠哉無早計。

又

流水急奔瀨，鷺鷥靜伺魚。若觀其躁靜，流水反不如。
金門有貴客，終南多隱居。

又

魚或脫鈎餌鈎者每切齒罵其大奸巧見其殊非理
我謂魚無逃不過烹食爾

三彭好誤人乃竊聞天帝既不守庚申何怪其為厲
古有焚香告三彭亦多事

救虎得生鹿救蛇得明珠救豕寂無聞救狼將食予
食予分所甘食人亦無餘

叔兄云理語俱帶滑稽出之

